

cum per fidē intus & in corde Dei dulcedinem gustamus. Hæc inquam, hæc est vera, viva & efficax Dei notitia, de qua David in Ps. 34. ait: *Cor meū & caro mea exultaverunt in Deum vobum.* Et Psal. 63. *Melior est misericordia tua super vitas.* Ubi palam est, describi vivum illud gaudium & dulcedinem cognitionis divinæ, qua perfunditur cor fidele. Atque ita demum homo vivit in Deo, & Deus in illo; sic cognoscitur veritas, sicq; eadē hominem recognoscit, &c.

CAPUT XII.

VERI CHRISTIANI ESSE SIBI mundoque mori, & Christo vivere.

2. Cor. 5. *Christus pro omnibus mortuus est, ut & qui vivunt, jam non sibi vivant, sed ei qui pro ipsis mortuus est & resurrexit.*

PRæterquam quod hæc sententia plena est consolationis, dum liquido cōtestatur Christum pro omnibus mortuum esse; tum vero saluberrimam doctrinā cōtinet de vitæ Christianæ ratione, quomodo videlicet nō nobis, sed illi qui nostri causa mortuus

E s est,